

同時熟其旁國少錐刀貴黃金采繒可以易穀食宜給

足不可乏師古曰言以錐刀及黃金采繒與此旁國易穀食可以給田卒不憂乏糧也臣愚

以為可遣屯田卒詣故輪臺以東置校尉三人分護各

舉圖地形通利溝渠務使以時益種五穀師古曰張掖益多也

酒泉遣騎假司馬為斥候屬校尉事有便宜因騎置以

聞師古曰騎置即今之驛馬也田一歲有積穀募民壯徙有累重敢

徙者詣田所師古曰累重謂妻子家屬也累音力瑞反重音直用反就畜積為本

業師古曰畜讀曰蓄益墾漑田稍築列亭連城而西以威西國

輔烏孫為便臣謹遣徵事臣昌分部行邊師古曰分音扶問反行音

下更反嚴勅太守都尉明燹火選士馬謹斥候蓄芟草願